



### 1. Cén fáth ar chóir dom a chinntiú go gcuireadh in iúl don CRO gur éirigh mé as oifig mar stiúrthóir/rúnaí cuideachta?

Baineann freagrachtaí móra le bheith i d'oifigeach cuideachta agus ní mór an modh ceart a úsáid leis an bhfaisnéis atá riachtanach a chur ar fáil ar an gclár CRO. Ar an bhforas sin, ní mór do na hoifigigh cuideachta a d'éirigh as oifig a chinntiú go gcuireadh an fhaisnéis seo in iúl don CRO.

Ní mór do chuideachta **Foirm B10** a chomhdú d'fhonn a chur in iúl, mar shampla, go scoirtear de cheapachán oifigigh (éirí as oifig, aistriú, srl.). Ní mór an fhoirm a sheoladh chuig an CRO tráth nach déanaí ná 14 lá ó dháta an athraithe. Cion is ea é mura gcomhdaítear Foirm B10.

### 2. Cad a dhéanfaidh mé má theipeann ar an gcuideachta a chur in iúl don CRO gur éirigh mé as oifig?

Nuair a theipeann ar chuideachta go leanúnach, in ainneoin éilimh, Foirm B10 a chomhdú leis an CRO le taifeadh gur éirigh duine as a p(h)ost mar stiúrthóir nó rúnaí (nó cuideachta agus an rúnaí ina chuideachta theoranta), is féidir leis an duine atá i gceist (nó cuideachta theoranta, más infheidhme) Foirm B69 a chomhdú leis na taifid ag an CRO a cheartú.<sup>1</sup>

### 3. Cad é an nós imeachta ar gá dom é a leanúint?

Seo a leanas an nós imeachta ar gá é a leanúint:

(a) Ní mór don oifigeach atá ag éirí as oifig a chur in iúl don chuideachta i scríbhinn go bhfuil sé/sí ag éirí as oifig (foilseán "A" a ghabhann le Foirm B69).

(b) Má theipeann ar an gcuideachta Foirm B10 a chur isteach, caithfidh an t-oifigeach a d'éirigh as oifig fógra a sheirbheáil ar an gcuideachta. **Caithfidh** an fógra seo (foilseán "B" a ghabhann le Foirm B69):

- i. a iarraidh go sonrach ar an gcuideachta a chur in iúl do Chláraitheoir na gCuideachtaí laistigh de 21 lá go bhfuil an t-oifigeach tar éis éirí as oifig ie Foirm B10;
- ii. a chur in iúl go sonrach don chuideachta go ndéanfar Foirm B69 a chomhdú leis an CRO má theipeann uirthi é seo a dhéanamh, agus go ndéanfaidh an t-oifigeach atá ag éirí as oifig iarratas scríofa (lena n-áirítear cóip den litir éirí as oifig) a sheoladh chuig gach oifigeach cuideachta, atá ar eolas aige/aici, go ndéanfaidh sé/sí glacadh leis na bearta is cuí a chinnteoidh go dtiocfaidh deireadh le mainneachtain na cuideachta cloí leis an bhfógra.

(c) Má theipeann ar an gcuideachta Foirm B10 a chomhdú laistigh de 21 lá mar atá ordaithe, is féidir cóip den fhógra éirí as oifig a sheoladh chuig gach oifigeach cuideachta, atá ar eolas aige/aici, in éineacht le hiarratas scríofa go nglacfaidh sé/sí leis na bearta cuí a chinnteoidh go dtiocfaidh deireadh le mainneachtain na cuideachta cloí leis an bhfógra.

(d) Foirm B69 a chomhdú, **in éineacht leis na doiciméid riachtanacha seo a leanas:**

- i. cóip den fhógra éirí as oifig dá dtagraítear i 3(a) thuas. Ní mór "A" a mharcáil ar an bhfógra seo agus ní mór leis an oifigeach atá ag éirí as oifig an fógra a shíniú. Ní leor fótachóipeanna; bíonn an síniú bunaidh ag teastáil.
- ii. cóip den fhógra dá dtagraítear i 3(b) thuas. Ní mór "B" a mharcáil ar an bhfógra seo agus ní mór dó a bheith sínithe ag an oifigeach atá ag éirí as oifig. Ní leor fótachóipeanna; bíonn an síniú bunaidh ag teastáil.

(e) Agus na doiciméid oiriúnacha ar fad faighte ag an CRO, bainfear na sonraí ó thaifid na CRO a bhaineann leis an oifigeach atá ag éirí as oifig.

**Tá na foirmeacha (agus na táillí comhdaithe a bhaineann leo) dá dtagraítear sa foilseachán seo le fáil ag [www.cro.ie](http://www.cro.ie).**

<sup>1</sup> Alt 195(11A) - (11B) d'Acht na gCuideachtaí 1963 (curtha isteach le halt 47 d'Acht na gCuideachtaí (Leasú)(Uimh. 2) 1999)

COMPANIES REGISTRATION OFFICE

**Public Office:** Parnell House, 14 Parnell Square, Dublin 1

**Postal Enquiries:** O'Brien Road, Carlow

Lo Call: 1890 220 226

Tel: +353 1 804 5200 Fax: +353 1 804 5222

Email: [info@cro.ie](mailto:info@cro.ie) Web: [www.cro.ie](http://www.cro.ie)

AN OIFIG UM CHLÁRÚ CUIDEACHTAÍ

**Oifig Poiblí:** 14 Cearnóg Pharnell, Baile Átha Cliath 1

**Fiosruithe:** Bóthar Uí Bhriain, Ceatharlach

Lóghlao: 1890 220 226

Fón: +353 1 804 5200 Faics: +353 1 804 5222

Ríomphost: [info@cro.ie](mailto:info@cro.ie) Láithreán: [www.cro.ie](http://www.cro.ie)